



Nkag siab txog cov txiaj ntsim phem thiab zoo ntawm txoj kev mus txhaj koob tshuaj tiv thaiv tus kabmob COVID-19 Johnson & Johnson uas txhaj ib koob xwb, uas yuav tiv thaiv koj ntawm tus kabmob COVID-19. Yam tshuaj tiv thaiv no yog ib yam uas koj yog tus txiaj txim mus txhaj. Mus nrog lub chaw txhaj yam tshuaj tiv thaiv sibtham yog koj muaj lus nug dabtsi.

Hais Txog Yam Tshuaj Tiv Thaiv Kabmob Ntawm No

Yam tshuaj tiv thaiv ntawm no yog ib yam uas tseem tsis tau txais kev tso cai pub coj los siv thiab lub tuam txhab ua yam tshuaj no tseem tab tom muab coj mus sim txhaj kawm ua ntej saib nws puas tiv thaiv tau tus kabmob thiab saib puas muaj lwm yam teebmeem (clinical trials). FDA tau tso cai kom coj los txhaj rau cov tib neeg uas muaj hnuv nyoog 18 xyoo thiab laus dua ntawd los mus tiv thaiv lawv ntawm tus kabmob COVID-19 txawm tias lawv yeej tseem tsis tau muab yam tshuaj ntawm no coj los soj ntsuam tag txhua yam saib nws puas muaj ib yam teebmeem dabtsi. Yam tshuaj tiv thaiv no yog ib yam uas muab txhaj rau ntawm cov leeg nqaij thiab tsuas txhaj ib koob xwb. Zoo ib yam li txhua yam tshuaj tiv thaiv tus kabmob COVID-19, yam tshuaj tiv thaiv ntawm no tau txais kev tso cai los ntawm FDA kom coj los txhaj txawm tias lawv yeej tseem tsis tau muab yam tshuaj ntawm no coj los soj ntsuam tag txhua yam saib nws puas muaj ib yam teebmeem dabtsi vim peb muaj tus kabmob COVID-19 sibkis loj heev. Yam tshuaj tiv thaiv no yog ib yam uas muab txhaj rau ntawm cov leeg nqaij thiab tsuas txhaj ib koob xwb.

Ua Ntej Yuav Mus Txhaj Koob Tshuaj Tiv Thaiv

Qhia rau lub chaw txhaj kom lawv paub txog txhua yam mob uas koj muaj, suav nrog rau qhov tias yog koj:

- muaj ib yam dabtsi txhaum lossis tsis haum lub cev
- ua npaws
- muaj ib yam kabmob uas ua rau los ntshav lossis koj siv cov tshuaj uas ua kom koj cov ntshav tsis txhob nyeem nyeem
- lub ceev tsis muaj zog los tawm tsam kabmob lossis siv ib yam tshuaj uas muaj kev cuam tshuam rau koj lub cev txoj kev tawm tsam kabmob
- cev xeeb menyuam, pub niam mis rau menyuam noj, lossis npaj tias yuav ua kom lub cev xeeb menyuam
- twb txhaj tag lwm yam tshuaj tiv thaiv tus kabmob COVID-19 lawm

Koj Yuav Tsum Tsis Txhob Mus Txhaj Yam Tshuaj Tiv Thaiv Kabmob Ntawm No yog tias:

Ib yam khoom uas siv los ua yam tshuaj tiv thaiv kabmob ntawm no yeej muaj qhov txhaum lossis tsis haum koj lub cev: recombinant, replication-incompetent adenovirus type 26 expressing the SARS-CoV-2 spike protein, citric acid monohydrate, trisodium citrate dihydrate, ethanol, 2-hydroxypropyl-β-cyclodextrin (HBCD), polysorbate-80, sodium chloride.

Cov Txiaj Ntsim Zoo Ntawm Yam Tshuaj Tiv Thaiv Kabmob Ntawm No

Nyob hauv qhov kev soj ntsuam uas tseem muaj tam sim no, peb yeej pom tias yam tshuaj tiv thaiv ntawm no yeej tiv thaiv tau tib neeg ntawm tus kabmob COVID-19 kom lawv tsis txhob mob, tsis txhob tau mus kho nyob hauv tsev khomob lossis tsis txhob tuag tom qab lawv mus txhaj tag koob tshuaj lawm. Peb tseem tsis tau paub tias yam tshuaj tiv thaiv ntawm no yuav tiv thaiv tau tib neeg ntawm tus kabmob COVID-19 ntev npaum li cas.

Tej Yam Phem Uas Ntxim Yuav Muaj Los Ntawm Yam Tshuaj Tiv Thaiv Kabmob Ntawm No

- **Cov Teebmeem Uas Muaj Nrog Yam Tshuaj No:** Lub qhov koob huam thiab mob taub hau, tsis muaj zog, mob tej leeg nqaij, xeev siab, thiab ua npaws yog cov teebmeem uas neeg tau hais tawm tias lawv muaj tom qab lawv mus txhaj tag yam tshuaj no.
- **Qhov Uas Muaj Tej Yam Txhaum lossis Tsis Haum Lub Cev Loj:** Nws yeej muaj ib feem me me tias yam tshuaj tiv thaiv kabmob ntawm no yuav ua tau kom muaj kev txhaum lossis tsis haum lub cev loj (ua pa nyuaj, lub ntsej muag thiab caj pa o tuaj, lub plawv dhia ceev, ua pob co thoob plaws koj lub cev, kiv taub hau, tsis muaj zog), uas ntau zaus yeej muaj li ntawm ob peb feeb mus rau ib teev tom qab mus txhaj tag koob tshuaj.
- **Ntshav Nkoos (Blood Clots):** Qhov uas muaj ntshav nkoos nyob ntawm cov hlab ntsha hauv lub paj hlwb, lub plab, thiab kav ceg; nrog rau cov keeb ntshav (blood cells) uas pab ua kom koj lub cev tsis txhob los ntshav, yeej muaj tsawg heev nyob rau ntawm cov tib neeg uas lawv tau mus txhaj tag cov tshuaj tiv thaiv tus kabmob COVID-19 Johnson & Johnson. Cov tib neeg uas muaj cov ntshav nkoos ntawm no, lawv yeej pib muaj kwv yees li ntawm 1-2 limpiam tom qab lawv mus txhaj tag koob tshuaj tiv thaiv thiab feem ntau yog cov pojniam uas tsis tau muaj 50 xyoo. Koj yuav tsum mus ntsib kws khomob sai yog koj muaj cov sab mob hauv qab no ntau ntau hnuv tom qab koj mus txhaj tag koob tshuaj tiv thaiv kabmob: txog siav, mob hauv siab, kav ceg o tuaj, mob plab tsis zoo li, mob taub hau heev lossis tsis pom kev tseeb, tej tawv nqaij doog ntshav yooj yim lossis pom muaj ntshav nyob hauv qab daim tawv nqaij uas nyob ntawm ib qhov chaw tsis yog lub qhov koob txhaj tshuaj.

Yog Koj Muaj Cov Teebmeem Uas Muaj Nrog Yam Tshuaj Tiv Thaiv Kabmob Ntawm No

Yog koj muaj ib yam dabtsi txhaum lossis tsis haum lub cev loj, hu 9-1-1, lossis mus rau ntawm lub tsev khomob uas nyob ze koj tshaj. Hu rau lub chaw txhaj tshuaj lossis koj tus kws khomob yog koj muaj ib yam teebmeem uas muaj nrog yam tshuaj tiv thaiv no uas koj hnyav siab lossis qhov teebmeem ntawd pheej tsis txawj zoo li.

Lwm Txoj Kev Tiv Thaiv Tus Kabmob COVID-19

Yam tshuaj tiv thaiv no yog ib yam uas koj yog tus txiaj txim mus txhaj thiab qhov uas tsis mus txhaj yeej tsis hloov txoj kev khomob uas koj yeej ib txwm siv. Peb los yeej muaj lwm yam tshuaj tiv thaiv tus kabmob COVID-19 ntxiv thiab.

Xav Paub Ntau Tshaj No Ntxiv

Mus xyuas ntawm www.janssencovid19vaccine.com lossis ntawm www.cdc.gov/coronavirus Hu 1-800-565-4008 lossis (908) 455-9922

Peb tau cov lus no los ntawm FDA Daim Ntawv Teev Cov Lus Uas Qhia Qhov Tseeb Rau Cov Neeg Mob thiab Cov Neeg Tu

